



Dis d'acziun cunter violenza a chasa Grischun

Fegl d'infurmaziun

Perioda

Annualmain dals 25 da november fin ils 10 da december

Finamiras

- Prevenziun e cumbat cunter violenza a chasa
- Sensibilisaziun da la populaziun per la tematica da la violenza a chasa
- Communicaziun da purschidas d'agid e da cussegliaziun per personas pertutgadas da violenza e per personas violentas

Participaziun

Mintga persona dastga participar, saja quai sco persona singula, sco uniun, sco organisaziun, sco scola, sco instituziun u sco firma.

Gruppa en mira

Cun ils Dis d'acziun cunter violenza a chasa vulain nus sensibilisar la populaziun dal chantun Grischun per la tematica da la violenza a chasa.

Tema principal

Il tema principal dals dis d'acziun è la violenza a chasa. Violenza a chasa designescha la violenza en ina relaziun da partenadi actuala u schliada, dentant er la violenza entaifer la famiglia, schizunt sch'il pèr u la famiglia vivan separadamain. Violenza a chasa enconuscha differentas furmas da violenza: violenza fisica, psichica, sexuala u economica.

Tema da focus

Il chantun Grischun elegia mintga onn in tema da focus. Ils organisaturs dastgan decider libramain, sch'els porschan occurrenzas davart il tema principal u specificamain davart il tema da focus.

Il tema da focus da quest onn sa cloma «Vias or da la violenza». Co chattan personas ch'èn pertutgadas da violenza sustegn? Tge purschidas d'agid datti per personas ch'èn violentas e che vulan chalar cun quai? Tge rolla giogan spezialistas e spezialists, l'ambient social e la societad en sia totalitad per sustegnair las personas sin lur via en ina vita senza violenza? Ils dis d'acziun servan sco plattform per sensibilisar e per dialogar avertamain.

Cundiziuns generalas per las occurrenzas

- Relaziun cun il tema da violenza a chasa
- Recepziun da l'occurrenza en il carnet da program chantunal e naziunal (surpiglia il Post da coordinaziun Violenza a chasa)
- L'occurrenza ha lieu entaifer la perioda dals 25 da november fin ils 10 da december. Periodas divergentas èn pussaivlas, sch'ins consultescha il Post da coordinaziun Violenza a chasa.

Occurrenzas – tge è sa cumprovà

Occurrenzas en ils secturs da l'art, da la cultura u dal sport èn sa cumprovadas, sco per exempel:

- Preschentaziun d'in film
- Preschentaziun d'in teater u d'in saut
- Poetry Slam
- Concert
- Exposiziun d'art
- Prelecziun
- Stan da turtas u da punsch
- Occurrenza da sport
- Cursa

Suenter in'occurrenza po vegnir dà spazi a discurs ed al barat cun spezialistas e spezialists. Nus recumandain da betg realisar purs referats spezialisads. Il tema da violenza a chasa n'è betg in tema simpel e las personas pon avair fadia da s'occupar cun quest tema e da discurre davart questa chausa. Las visitadras ed ils visitaders chattan pli facilmain access al tema sur autras furmas d'occurrenzas.

Plinavant gidi d'utilisar in format existent ch'è gia enconuscent e francà e che vegn frequentà regularmain. Sch'i è planisà per exempel da salvar ina prelecziun, fai senn da tscherner in lieu d'occurrenza, en il qual vegnan purschidas regularmain prelecziuns.

Prestaziuns dal Post da coordinaziun Violenza a chasa

- Coordinaziun da las occurrenzas
- Producciun da material da reclama e d'infurmaziun: carnet da program, fegl d'infurmaziun cun purschidas d'agid per personas pertutgadas, ulteriurs meds da reclama
- Examinaziun da las dumondas per in sustegn finanziel
- Reclama chantunala (social media, inserats da gasetta)
- Evaluaziun dals dis d'acziun

Sustegn finanziel

En cas da basegn po vegnir inoltrada ina dumonda da survegnir in sustegn finanziel per l'occurrenza planisada. La dumonda chattais Vus sin la [pagina d'internet](#). Igl è obligatoric d'aggiuntar in preventiv da l'occurrenza a la dumonda. La dumonda po vegnir inoltrada fin ils 9 d'avust 2024 e vegn validada fin ils 23 d'avust 2024.

Annunzia

Il formular d'annunzia chattais Vus sin la [pagina d'internet](#). L'ultim termin d'annunzia è ils 9 d'avust 2024.

Contact

Sche Vus avais ideas, dumondas ed intschertezzas davart ils Dis d'acziun cunter violenza a chasa, As sustegna il Post da coordinaziun Violenza a chasa:

Uffizi dal servetsch social dal Grischun
Post da coordinaziun Violenza a chasa
Grabenstrasse 8
7001 Cuir
Tel: +41 81 257 26 11
E-mail: haeusliche.gewalt@soa.gr.ch

Moviments 16tage.ch ed Orange Days

Ils «Dis d'acziun cunter violenza a chasa Grischun» è vegnids inspirads tras las iniziativas dals dus moviments internaziunals «Orange Days» e «16 dis cunter violenza envers dunnas». L'illuminaziun oranscha d'edifizis, ch'è visibla durant quests 16 dis sin l'entir mund, metta simbolicamain in signal cunter violenza.

Urari

- Ultim termin d'annunzia per la participaziun als dis d'acziun 09-08-2024
- Ultim termin per inoltrar la dumonda per in sustegn finanziel 09-08-2024
- Recepziun da la decisiun davart il sustegn finanziel fin ils 23-08-2024
- Empustaziun da material da reclama e d'infurmaziun per l'occurrenza 12 – 30-08-2024
- Bun per stampa carnet da program 19 – 30-08-2024
- Material da reclama e d'infurmaziun pront per la consegna e per la spediziun a partir dals 04-11-2024